


東華錄




			二二四九	漢書門
一	九	〇	九	
冊	架	函	號	類

內閣文庫			
三六	二二四九	漢	
函	一六	書	
一七	九	類	
架	冊	號	

內閣文庫	
番號	漢 2249
冊數	16 (12)
函號	286 101

十二



東華錄卷之十二

湘源蔣良騏千之父

淺草文庫

康熙五十七年正月檢討朱天保奏請復立  
元初為皇太子

上在湯泉行宮台問摺內所云今二阿哥聖  
而益聖賢而益賢爾後何得知且引度太天  
保辭窮請死且供其父朱都納同戴保商議

卷十二

一



繕本令之來奏命俱鎖拿嚴審 二月大學  
士等以議處朱都納等一案請旨諭曰朱天  
保希圖僥倖違旨妄奏又首伊父供出不忠  
不孝極矣著即正法戴保亦著正法朱都納  
當查免死妻子入官餘議罪有差 三月裁  
起居注衙門 七月總督額倫特疏報六月  
十八日臣統兵自穆魯斯烏蘇起程至圖爾

哈圖渡河至七义河處聞侍衛色楞自拜圖  
前往但七义河至拜圖無路可通臣於六月  
二十四日自七义河向庫庫塞一路進兵  
諭大學士等河南南陽總兵高成標下兵丁  
因查拿賭博至知府署內爭鬧將知府沈淵  
擡至教場看守三日聞此等人俱係詭冒營  
兵夥同擾詐百姓其行文各省有此等之人

嚴查奏聞其作何禁約治罪之處着議奏  
都御史蔡升元請編纂省方盛典從之  
八月  
月軒鑲藍旗逃棍孟光祖以捏稱誠親王差  
遣各省誑騙故也  
都御史蔡升元條奏五  
款內一六部侍郎開缺由翰林院出身者以  
十五員而陞兩缺由京堂出身者以五員而  
陞八缺不無稍偏請嗣後通行開列一五城

司坊官所奉牌票衙門甚多請嗣後除提督  
及部院堂官通政大理堂官順天府尹本城  
御史外各衙門不得擅行牌票從之  
閏八  
月總督額倫特疏報七月十六日臣自門贊  
西里克起程至齊諾鄂爾連敗賊兵追擊十  
餘里獲賊訊稱賊首托命齊杜喀兒二人率  
兵四千由喀拉烏蘇河西小路而來臣移咨

公策壯諾爾布統兵速來接應臣渡過喀喇  
烏蘇河前往狼臘嶺侍衛色楞疏報唐古  
特一聞大軍至莫不歡躍為首台吉卓里克  
圖之子博音馬松等率眾投誠又報七月  
二十統兵至喀喇烏蘇連擊敗厄魯特賊人  
奪其三處山梁追殺二十里殺二百餘人  
以莊浪等處地震西邊用兵免陝西甘肅地

丁銀一百八十八萬三千五百三十六兩零  
積欠銀四萬七百五十七兩零九月額倫  
特色楞俱統兵至喀喇烏蘇于賊遇相持月  
餘額倫特沒於陣諭吏部考試月官嗣後  
不必作八股時文止令寫履歷以三百字為  
限觀其書法妍醜文理工拙則優劣可立見  
矣命皇十四子固山貝子允禔為撫遠大

起

將軍

十月考試滿書庶吉士楊起曾凌如

煥陳邦直胡彥穎趙城吳應棻張鱗甲吳傳

觀

觀楊鳳岡蔣林汪受祺侯度薩綸錫漢書庶

吉士懷淵中曹友夏陳儀李天龍厲煌成文

璋

張應造楊克茂屠洵魚棟德齡沈竹白子雲

授編修檢討潘浮張鳴鈞徐學柄王承烈賈

啟瑛德耕著教習三年莊論書法不堪著草

職

十二月撫遠大將軍率進勅策妄阿喇

布坦大兵起程

孝景章皇后升祔禮成覃恩天下

五十八年正月甲戌朔日食陰雲微雪不見

二月諭內閣學士蔣廷錫皇輿全覽圖朕

費三十餘年心力始得告成山脉水道供與

禹貢相合爾將此與九卿細看尋九卿等求

共

賜允之。請送將軍富寧安遵旨議衆烏蘭  
烏蘇四面皆山地地方狹隘不便修城多駐兵  
丁有庫庫車爾周圍遼濶維烏闌烏蘇不遠  
應在庫庫車爾左邊有水州處修築城池駐  
兵鄂龍吉噶喀順喀挑約落圖烏爾烏虎爾  
查圖庫爾交圖俱修築土堡烽墩其庫庫車  
爾等處與巴爾庫爾相間有三百里應酌派  
兵在見設汎界之數什希搜齊等處安營以  
為應兵大兵照常駐扎巴爾庫爾下大臣知  
禮部題

孝惠章皇后陵在 孝陵之東恭擬孝東陵  
字樣旨是 三月部議河督趙世顯疏言清  
江浦附近淮安關請于淮安府屬裏外兩河  
同知內揀選一員官理照例征收額稅銀十

九萬兩外節省浮費等項可餘十五萬交兩  
河庫以濟工需免題請發帑之煩從之 四  
月議覆允禎疏請今年暫且停兵不進大兵  
應令在西寧駐紮從之 五月刑部覆往浙  
審事侍郎王思軾等疏言浙江正考官編修  
索泰允侍讀陳恂囑託將陳鳳池中武借陳  
恂銀一千五百兩應斬監候借代黃緣中式  
之陳鳳池代營關節之陳莘衡陳恂絞候鳳  
池父陳文熾恂子鈺過交俱絞候代作文之  
段志閔枷責從之 六月都統法喇言臣遵  
旨令副將岳鍾琪領綠旗兵先行到裏塘其  
首達哇拉木查木巴第巴色布騰阿任等語  
不遜擒之臣恐生事端已將七人正法隨宣  
諭安撫又令岳鍾琪進取巴塘招撫後法喇



應駐扎巴塘。泛之尋巴塘就撫。八月議覆。  
振武將軍傅爾丹等莫代察罕搜爾與鄂爾  
齊圖果爾二處各築一城。將充發往耕種。俟  
一年後派兵駐防。泛之。予浙江西安縣孔  
氏嫡裔。歲科額外入學二名。後學政汪滢請  
也。五十九年正月。授都統宗室延信為平  
逆將軍。率兵進藏。以公策旺諾爾布副都統  
阿琳寶額駙阿寶侍讀學士。帝授提督馬見  
伯。總兵李麟。參贊軍務。二月。授護軍統領  
噶爾弼為定西將軍。領兵進藏。調都統法喇  
於打箭爐駐防。封新胡必爾汗為弘法覺  
衆第六世達賴喇嘛。派滿漢兵及青海之兵  
送往西藏。三月。都統武格言雲南一路滿  
漢兵奉調赴巴爾喀木。與將軍噶爾弼會兵。

進藏。臣等于是二月十二日自雲南起行報聞。  
富寧安言今歲大兵進藏其阿爾泰巴爾  
庫爾兩路亦約會前進襲擊準噶爾邊境使  
賊人擾亂。臣請率兵三千從烏魯木齊往分  
兵四千由吐魯番往尋議吐魯番一路兵令  
散秩大臣阿喇納統領。征西將軍祁里德  
言阿爾泰兵臣請領七千人從布婁爾前進  
將軍傅爾丹領兵八千人從布喇罕前進擊  
準噶爾邊境。從之。五月鑲紅旗滿洲副都  
統永泰因伊曾祖費英東立傳事傳赴史館  
永泰私閱寔錄。隨摺伊祖圖賴之事未記載。  
奉旨查奏。至是內閣劾永泰私閱寔錄。又作  
史定例。惟關係國家之事始載其餘細事例  
不編入。永泰妄行陳奏。尋部議革副都統并

佐領 六月延慶保安沙城懷來蔚州廣昌  
渾源宣化龍門等處地震蠲本年田租兼賑  
之 七月丙寅朔日食 八月富寧安言臣  
於七月初一日啟行初二至叟集選輕騎前  
進至烏蘭烏蘇之源及託和穆圖並無賊踪  
因遣侍衛哲爾德等赴阿克喀斯侍衛克什  
圖阿玉錫赴伊爾布爾和韶臣統兵隨後初  
八日哲爾德至阿克塔斯擒一賊餘眾逃散  
克什圖等至伊爾布爾和韶奪馬百餘擒殺  
共五十有餘人獲賊哨頭目杜爾伯特台吉  
垂木拍爾 初里德言臣另派兵一千二百  
人留阿保喀布沁陸續擒厄魯特吳梁海等  
四百餘人又七月廿九日臣自鎰額爾河前  
進擊敗厄魯特寨桑色布騰等色布騰率二

千餘人降獲牲畜萬餘富寧安言阿喇納  
于七月初八日進兵齊克塔木擊破賊營悉  
降其衆初十至皮禪城諭降其回子三百餘  
人十三日至吐魯番阿克蘇爾坦及總營頭  
目沙克扎拍爾等率衆迎降于七月十六日  
凱旋 九月富寧安言臣七月十八至烏魯  
木齊並無賊踪詢投降降回子云賊目自伊爾

布爾和韶奔回通信言大兵已至故附近地  
方俱驚竄臣于阿喇納會于烏爾烏蘇合兵  
凱旋初十抵巴爾庫爾 傅爾丹言臣兵至  
格爾尼爾格厄魯特人委棄帳房逃散臣于七  
月廿一日追及之殺二百餘人擒塞桑貝肯等  
百餘降三百餘人又督兵踏踐烏蘭呼集爾  
耕種焚所積糧艸 十月免陝甘所屬康熙

六十年地丁一百八十八萬三千七百四十  
 兩零 噶爾弼疏報臣兵于八月初四自拉  
 里前進有朱育之胡土克圖來降次日進取  
 墨米二喀第也達克雜及喇嘛鍾科爾頭目  
 皆來降二十二日渡河二十五日分兵三隊  
 進取西藏傳大小第已頭目並各喇嘛廟宣  
 示極救至意隨將達賴喇嘛倉庫封閉隨據

三廟之坎布將各廟所有準噶爾之喇嘛一  
 百餘人擒獻斬為首喇嘛五人餘監禁允  
 禪疏報平逆將軍延信於八月十五日駐扎  
 卜克河策零敦多卜等來犯擊敗之奪其馬  
 匹器械二十日駐扎齊嫩郭爾夜敗賊二千  
 餘人二十二日駐扎綽馬喇五鼓賊刻營敗  
 走之延信於九月初八日自達穆起程送斯

封達賴喇嘛進藏其後前達賴喇嘛博克達  
應發回京師富寧安請乘勝來年大舉進  
剿許之十一月上諭朕於地理從幼留  
心故遣使臣至崑崙西番諸處凡大江黃河  
黑水金沙瀾倉諸水發源之地皆目擊詳求  
載入輿圖大槩中國諸大水皆發源於東南  
諾莫渾烏巴西大幹內外其源委可得縷析

也黃河之源出西寧外枯爾坤山之東眾泉  
渙散不可勝數望之燦如列星蒙古謂之敖  
敦他拉西番謂之梭羅木中華謂之星宿海  
是為河源淮為薩陵鄂陵二澤東南行折北  
復東行由歸德堡積石關入蘭州岷江之源  
出於黃河之西巴顏哈拉嶺七七喇哈納番  
名岷尼雅克撮漢書所謂岷山在西徼外江

岷

水所出是也而禹貢導江之處在今四川黃  
勝關外之乃楮山古人謂江源與河源相近  
禹貢岷山導江乃引其流非源也斯言宜有  
可據其水自黃勝關流至灌縣分數十支至  
新津縣復合而為一東流至叙州府與金沙  
江合流金沙江之源自達賴喇嘛東北烏尼  
尹烏蘇峯流出烏尼尹烏蘇峯中華謂之中

山其水名穆魯斯烏蘇東南流入喀木地又  
經中甸入雲南塔城關名金沙江至嚴江府  
又名麗江至永北府會打衝河東流經武定  
府入四川界至州叙府流入岷江經夔州府  
入湖廣界由荊州府至武昌府與漢江合漢  
水源出陝西寧羗州北蟠冢山名漾水東流  
至南鄭縣為漢水入湖廣界東南流至漢陽

縣漢口合岷江此諸水在東南諾莫渾烏巴  
西大幹之內源發於西番委入於中國也瀾  
滄江有二源一源於喀木之格爾札雜噶爾  
山名雜褚河一源於濟魯肯他拉名教母綽  
河二水會木察木多廟之南名拉克褚河流  
入雲南境為瀾滄江南流至車里宣司名  
九龍江流入緬國瀾滄之西為喀喇烏蘇即

高貢之黑水今雲南所謂潞江也其水自達  
賴喇嘛東北哈拉腦兒流出東南流入喀木  
界又東南流入怒彝界為怒江入雲南大塘  
隘更名潞江南流經永昌府潞江安撫司境  
入緬國潞江之西為龍川江龍昌江之源從  
喀木所屬春多嶺流出南流入雲南大塘隘  
西流為龍川江至漢龍關入緬國此諸水在



東南諾木渾烏巴西大幹之外皆流入南海  
又雲南邊境有栴柳江者其源發自阿里之  
岡底斯東達木朱喀巴卜山譯言馬口也有  
泉流出為雅魯藏布江從南折東流經藏危  
地過日噶云噶爾城旁合噶爾詔母倫江又  
南流經公布部落地入雲南古勇州為栴柳  
江出鐵壁關入緬國而岡底斯之南有山名  
即干喀布卜譯言象口也有泉流出入馬皮  
木達賴又流入即噶腦兒兩河之水西流至  
桑南地岡底斯之北有山名僧格喀巴卜譯  
言獅子口也有泉行出西行亦至桑南地二  
水合而南行又折東行至那克拉蘇母多地  
與岡底斯西烏卜家喀巴卜山所出之水會馬  
卜家喀也卜者譯言孔在口也其水南行至

耶克拉蘇母多地會東行之水東南流至厄  
納忒河克圖為岡噶母倫江即佛法所謂恒  
河也佛國記載魏法顯順恒河入南海至山  
東之渤海入口應即此水矣梵書言四大水  
出阿耨達山下有阿耨達池以今考之意即  
岡底斯是唐古特稱岡底斯者尤云衆山水  
之根與釋典之言相合岡底斯之前有二湖  
連接土人相傳為西王母瑤池意即阿耨達  
池又梵書言普陀山西有三一在厄納忒河克  
之正南海中一有石天宮觀自在菩薩遊  
舍是云真普陀一在浙江之定海縣海中為  
善財第二十八奉觀音菩薩說法處一在土  
伯特今番名布塔拉山也亦謂觀音現身之  
地釋氏之書本自西域故于彼地山川亦可

引以為據也。禹貢導黑水至於三危，舊註以三危為山名，而不能知其所在。朕今諸考其實，三危者猶中國之三省也。打箭爐西南達賴喇嘛所屬為危地，拉里城東南為喀木地，班禪額爾德尼所屬為藏地，合三地為三危耳。哈拉烏蘇由其地入海，故曰導黑水至於三危，入於南海也。至于諸番名號，雖與史傳不同，而亦有可據者。今之土伯特，即唐之突厥。唐太宗時，以公主下嫁，公主供佛像於廟，今番人名招招者，譯言如來也。其地猶有唐時中國載去佛像。明成化中，烏斯藏大寶法王來朝，歸時以羊羸鹵簿送之，遣內監護行。內監至四川邊境，即不能前進而返，留其儀仗於佛廟，至今往來之人多有見之。地載於明

寔錄者 十二月群臣以

上御極六十年恭請明歲行慶行慶賀禮不  
允 六十年三月群臣請

上尊號不允詔赦恩賚等項槩行停止諭  
大學士等今日出榜黃霧四塞霾沙蔽日如  
凡大風榜心損壞或因學問優長聲聞素著  
之人不得中式怨氣所致或此番中式之人

將來有大奸大惡亂臣賊子亦未可定邵子  
於天津橋畔聞杜鵬即知南人有入相者此  
皆冊書所載信有徵其他亦有不可信者如  
唐明皇焚珠玉於殿前珠可焚毀玉亦可焚  
毀乎又云風不鳴條雨不破塊風不鳴條則  
無力何以散天地抑鬱之氣鼓盪萬物而不  
破塊何以播種又云囊螢讀書朕曾取百枚

盛以大囊照書字畫竟不能辨此書之不可  
盡信者亦有似乎荒逸而竟實有其事者東  
方朔記北方有層冰千尺冬夏不消今年鄴  
羅斯來朝云其地去北極二十度以上名為  
冰海堅冰凝結人不能至始知東方朔所云  
不謬又從前有書史三人徧傳西邊異獸形  
圖部議重罪具奏朕從寬免死令其往覓是  
獸後將軍祁里德等來自軍前奏果有是獸  
自在乳旁口在臍旁巡哨侍衛等曾親見  
之蒙古名其獸為鄂布又有飛者名積布蒙古  
名惡人為鄂布泰積布泰是即山海經中  
所謂刑天無首以乳為目以臍為口也故將發  
遣書吏放還又神異經云北方層冰之下  
有大鼠肉重千斤名為鼯鼠穿地而行見日

肉

月光即死。今鄂羅近海北地有鼠如象。穴地以行。見風日即斃。其骨類象牙。土人以製破磔梳篦。朕親見其器。方信為寔。又古人以天市垣為中國分野。朕始疑其說。細玩天球合以地圖。中國去赤道二十度。至四十度。在穀雨立夏小滿三節氣上。天市垣亦去赤道二十度。恰與中國對照。始知古人分野之說確

有研據。此又書之不可信而可信者也。御史陶彝、保坪范長發、鄒國雲、陳嘉猷、王允晉、李允符、范允錫、高坌、高怡、趙成樞、孫紹曾公奏懇早儲位。旨交內閣。

上手書諭旨。諭諸王大臣等。六十年大慶。大學士王技等不悅。以朕衰邁。謂宜建儲。欲放出二阿哥。伊等借此邀榮。二阿哥兩次冊立。

為皇太子教訓數十年不能成就朕為  
宗社及朕身計故嚴行禁錮所以不殺者恐  
如漢武帝之後悔致後人滋其口舌也朕並  
無可悔之處見今時常遣人存問齋賜佳物  
其子朕為撫養凡此皆為父之私情不能自  
已所謂姑息之愛也人何得因此生議耶朕  
並無誅僇人臣之意大臣自取其死朕亦毋  
加之何朕御極六十年慶賀典禮非不可受  
因深知此等事故堅辭不允朕衰老中心憤  
懣眾人虛誑請行慶典朕豈屑為此乎具  
勒貝子王公大臣等奏王技背負鴻恩結党  
營私于康熙五十六年將國家最大之事妄  
行陳奏隨後有御史陳嘉猷等八人條奏今  
年二月十六日伊密奏後隨又有御史陶彝

等十二人條奏結為朋黨奸惡已極請將王技  
及陶彞等鎖拿俟過十八日大慶之後復重  
治罪疏留中御史舒庫等疏恭本月初九  
初十兩日有不知姓名下第舉子擁至會試  
副主考副都御史李紱門前喧鬧而散旨禮  
刑二部會同嚴審具奏

上將諸王大臣等奏劾王技等奏章發出諭曰  
王技及御史陶彞等妄行陳奏俱云為國為  
君見今西陲用兵為人臣者正宜減此朝食  
伊等暫停議罪着于此番軍前照滿洲文官  
例委署額外章京遣往王技年老着伊子王  
奕清代去俟立功四日再奏將軍延信傳  
其前往西寧令帶將軍印回至四川帶領四  
川兵進藏總統札允禩言據三路將軍報



稱各路之馬駝糧餉俱甚充足器械俱已齊  
備官兵各思奮力值策妄阿喇布坦人心惶  
惑之時可以直搗巢穴掃蕩無遺尋會議將  
富寧安之兵調在烏蘭烏蘇駐扎桿禦阿喇  
衮提督路振聲由烏蘭烏蘇進取吐魯番傳  
爾丹祁里德各於本處預備再派祁里德所  
屬兵二千前往收敗策妄阿喇布坦及吳海  
梁等逃竄之人設此策妄阿喇布坦內變  
起釁得有確信三路將軍即為大兵前進搗  
其巢穴者是尋富寧安請駐伊爾布爾和韶  
其地距烏蘭烏蘇百餘里從之 四月宗室  
延信以病調回京令署總督噶爾弼代之  
五月命大將軍允禔赴甘肅駐扎 諭今年  
大兵暫停進剿其進取吐魯番扼住要地之

處俱着停止從允禎密奏也 戶部等遵旨

議奏直隸山東河南山西陝西被旱除陝西  
已差大臣賑濟并蠲免錢糧外應將四省常  
平倉穀遣官分賑并平價糶賣其被災卅縣  
分別蠲免從之 六月浙閩督覺羅滿保摺

朱一貴

奏五月初六日臺灣奸民朱一貴等聚眾作  
亂總兵歐陽凱往捕被殺有司官俱奔澎湖

淡水營守備銜守待敕臣赴廈門調兵往援  
上發硃筆諭旨傳諭臺灣百姓令速就撫  
御史衛庫以下第舉子喧鬧匿不奏聞李紱  
應照溺職例革職嗣後考試官有不公處許  
下第人據寔赴該管衙門具控如有往考官  
家喧鬧者嚴拿送部從重治罪旨李紱着草  
職發永定河効力餘依議 七月提督施世

驃疏報臣率舟師出洋六月十六日抵臺灣  
鹿耳門擊敗賊兵進取安平二十二日進攻  
臺灣恢復府治擒賊首朱一貴等九月定  
西將軍噶爾弼病以公策旺諾爾布署理  
奉差山西賑濟都察院左都御史朱軾言請  
於晉省建立社倉并興水利得旨社倉之事  
李先地行之數年並無成效民多怨言張伯

行行于永平地方至今未奏凡建立社倉必  
擇地方殷實之人董司其事此人既非官吏  
無催無役所借之米何人催納豐年不還亦  
無如何若遇歉收更誰還耶其初將衆人之  
米穀扣出收貯無人看守及缺空之時必令  
司事者償贖是空將衆人之米棄於無用而  
司事者無故為人破產矣此法始于朱子僅

可行于小邑。鄉村若奏為定例，屬于官吏施行。於民無益。前朕巡幸西省，知其地山多水少，間有水泉，亦不能暢引溉田。設有水前人豈不知乎？今朱軾具奏，即令伊久住山西，鼓勵試行。若所言有效，甚善。富寧安言：據阿喇衲報稱，九月初八探知策妄阿喇布坦遣人犯吐魯番城，隨派侍衛克什圖等領兵迎

戰，敗賊二千餘。眾官兵追入林中，賊棄騎步戰。我師擒殺百餘人，賊奔逃。追捕數十里，獲軍械馬匹甚多。臣前因阿喇衲今冬進兵襲擊，故請移駐伊爾布爾和韶，為之聲援。今賊人敗遁，必恐懼防備，不宜襲擊。阿喇衲應停止進兵。臣仍統兵駐扎巴爾庫爾，從之。朱軾言：臣冒昧陳言，今細加籌畫，社倉水利實屬

難行祈免令試行。旨朱軾親至山西深知地方情形既請立社倉興水利著仍留山西鼓勵試行。蒙古王貝勒貝子公台吉及土伯特酋長以西藏平定請於招地建碑記績。允之。御製碑文。十月召允禔祁里德富寧安京來指示明歲大舉進勦方略。議覆祁里德言烏蘭古木地煖土肥請來年多行耕種可望大收從之。十二月四川總督岳鍾琪疏報剿撫郭羅克番人賊逆敵我兵連敗之遂攻取下郭羅克人吉宜卡等二十二寨連夜進兵直抵中郭羅克之納務等寨連克十九寨斬三百餘級擒賊首酸他爾糾索布六戈督兵抵上郭羅克之押六等寨該寨頭目縛首惡出降。旨嘉獎。

六十一年正月宴滿漢文武大臣及致仕  
退人員年六十五以上者三百四十人於乾  
清宮前御製七言律詩一首命與宴者各  
作詩紀盛名曰千叟宴詩以書諭策妄阿  
喇布坦著澤卜尊丹巴胡土克圖冰好喇嘛  
齋往其回伊里進兵之事議令暫停

四月命撫遠大將軍允禎復往軍前命富

寧安將大兵移駐烏魯木齊從阿喇衲言也

九月

上駐蹕熱河諭曰後前曾有以朕每年出口  
行為勞苦軍士條奏者不知國家承平雖久  
豈可遂忘武備前噶爾丹攻破喀爾喀并侵  
擾我內地扎薩克至烏蘭布達朕親統大兵  
征討噶爾丹敗走後侵犯克魯倫朕統兵三

路並進。至昭莫多剽滅之。令策妄阿喇布坦  
無端侵犯哈密地方。朕徵發阿爾泰及巴爾  
庫爾西路兵進剿。策妄阿喇布坦聞之心胆  
遂碎。乃遣策零敦多卜等潛往西藏劫掠。毀  
壞寺廟。土伯特地方已被殘燼。朕又遣大兵  
擊敗之。復取西藏。救土伯特於水火之中。此  
皆朕平時不忘武備。勤於訓練之所致也。若  
聽信條奏之言。憚於勞苦。又何能遠至萬里  
之外。而滅賊之功乎。諭大學士等。據陝西  
巡撫噶什圖奏稱。陝西虧空甚多。若止於參  
革官員名下追補。究竟不能速完。查秦省州  
縣火耗。每兩有加二三錢者。有加四五錢者。  
臣與督臣商議。量留本官用度外。其餘俱捐  
補合省虧空。如此則虧空即可全完。等語。朕

謂此事大有關係。斷不可行。定例私派之罪甚重。火耗一項。特以州縣官用度不敷。故於正項之外。量加此微。原是私事。朕曾諭陳瓊云。加一火耗。似尚可寬容。陳瓊奏云。此乃聖恩寬大。但不可明諭。許其加添。朕思其言。深為有理。今陝西奉出。虧空太多。不得已而為此舉。彼雖密奏。朕若批發。竟視為奏准之事。

加派之名。朕豈受乎。特諭爾等滿漢諸臣。共知之。十月。諭朕臨御天下六十餘年。無刻不以民生為念。凡政事利弊。必推求其故。迨見天下錢糧。各省皆有虧空。陝西尤甚。其所以致此者。皆有根源。蓋自用兵以來。大兵經行地方。資助馬匹。盤費衣服食物甚多。倉卒無可設法。勢必那用庫帑。及撤兵時。又給馬



匹銀兩即如自藏回之將軍兵丁沿途所得  
反多於正項是以各官費用動輒萬金此等  
銀兩出自何項並無一人問及也官之虧空  
錢糧者俱已題參離任其虧空銀兩追此不  
能即得新任官又不代完此項銀兩終無著  
落故用兵之地歷年奏銷朕悉從寬緩止為  
此也蓋寬緩則州縣力舒上可不誤國帑下

可不病民力去年陝西題參虧空各官巡撫  
噶什圖密奏欲加通省火耗以完虧空朕若  
批發便為朕令加徵若不批發又謂此事已  
曾奏明竟自私派則必致與正項一例催徵  
將肆無忌憚矣所以將奏摺申飭批發第既  
不能追此虧空又不取請撥錢糧倘有緊要  
軍機焉能不致遲誤朕因交議政大臣動戶

米  
部庫帑解送矣。和碩雍親王遵旨查勘通  
倉請嗣後諸王以下務宜按廠支領倘仍前  
揀廠占領遺剩半廠者該監督即報總督題  
奉如該監督不將好米給與而將雜色變色  
之米勒令支領亦許領米官員呈告倉場總  
督將該監督題奉查定例支領果石限兩  
月領完若有無故挨延逾限者即停止給與

如係該監督勒指遲延亦即將監督題奉依  
議奉旨據祁里德據總理種地事務蘇永  
祖吳祿和布多烏蘭古木時里等處及坤都  
倫河土沃水裕今年所種麥子一倍收有六  
倍請明年添種子石及詢問齋呈麥麩之阿  
禮等據云和布多烏蘭古木地方廣闊原係  
尼魯特種耕好地今應將歉收之七岱察罕

叟爾等處耕種人力移往耕種可以多收一倍得  
有數倍語甚不明晰應照內地或一畝向收得米石若干稟報以候補按察使謝賜履為山東巡撫大學士九卿詹事科道等以來年恭遇

萬壽七旬大慶合詞疏請詳議慶賀禮不允十一月初七日戊子

上不豫自南苑回駐暢春園十三日甲午

丑刻上疾大漸命趨召皇四子於南郊

齋所寅刻召皇三子誠親王允祉皇七子淳郡王允祐皇八子貝勒允禩皇九子貝子允禔皇十子敦郡王允祇皇十二子貝子允禔皇十三子允祥理藩院尚書隆科多至御榻前曰皇四子□人品貴重深肖朕躬必能克

成大統著繼朕登基即

皇帝位 皇四子聞名馳至巳刻趨進寢宮

是日戌刻

上崩雍正元年九月丁丑朔巳時葬 景陵

在位六十一年壽六十九

廟號

聖祖

世宗敬天昌運建中表正文武英明寬仁信

毅大孝至誠憲皇帝諱上一字□下一字从示从真

聖祖第四子也

母孝恭宣惠溫肅定裕贊承聖仁皇后吳雅

氏原任護軍叅領加封一等公衛武之女嘗

夢月入懷華彩四照巳而誕

上時康熙十七年戊午十月三十日寅時也

誕生之夕祥光煜爚經久弗散

工天表奇偉隆準頤身雙耳豐垂目光炯照  
音吐洪亮舉止端凝大智夙成宏才肆應幼  
就書史立就萬言書法道雄妙兼衆辭籌度  
事理評隲人材燭照如神性尤純孝本于至  
誠幼封多羅貝勒晉封和碩雍親王康熙六  
十一年十一月甲午安奉

大行皇帝於乾清宮以乾清宮東廡為倚廬  
命貝勒允禩十三阿哥允祥大學士馬齊  
尚書隆科多總理事務名大將軍十四阿  
哥允禔令與弘曙馳駟來京命公延信馳赴  
甘肅管理大將軍印務二十日辛丑  
上即皇帝位御太和殿諭內閣嗣後啟奏  
處書寫男隆科多十二月封允禔和碩庶

親王允祥和碩怡親王允禔多羅履郡王  
弘皙多羅理郡王 輔以國公延信為西安  
將軍仍署大將軍印務 命怡親王總理戶  
部三庫事務

雍正元年二月諭大學士等國家養育人材  
首重翰苑必當立品端方居心敬慎方不愧  
官箴聞有僥倖之後平昔結黨營私至科場

年分互相援引請託遇謹守之人畏法不肯  
通同作弊及群相排抵蜚語誣陷此風不可  
長着大學士張鵬翮尚書田從典徐元夢左  
都御史朱軾侍郎張伯行李紱會同學院張  
士將翰林院詹事府等官不安本分有玷官  
箴者勒令解送回籍無得徇情 吏部遵旨  
議各教職俱以舉人恩拔貢副榜廩生拔貢

用其捐納人員。敕諭改以縣丞訓導。改以主簿用。從之。諭總理事務王大臣等。外間匪類捏造流言。謂朕鍾愛十六阿哥。今承襲莊親王爵。承受其家產。朕為君上。何必藉承襲莊親王。以加厚于十六阿哥乎。且如發遣一人。即謂朕報復舊怨。擢用一人。又謂朕思出於私。今諸王大臣俱在。朕所用佛格尹泰等。何私之有。勒什亨。險邪小人。伊父蘇帶係七十之党。結為生死之交。七十等朋比為奸。搖惑人心。擾亂國事。朕於蘇帶父子。宥其罪。疊沛恩施。封蘇帶為貝勒。授勒什亨領侍衛內大臣。御前行走。亦異其感恩。悛改。豈知伊等仍然結党營私。護庇貝子允禔。代為支吾。巧飾。將朕所交之事。顛倒錯謬。又朕諸兄弟。

家有奸惡太監教人種，引誘其主君明正其罪，則牽連伊主之處甚多。朕念兄弟之情，加意保全，將此策發往遐方，曾詔勒什亨曰：此不過德治家人，不必記在檔案，而勒什亨頓悖朕旨，記載檔案，勒什亨着革職，發往西寧，跟隨允禩効力。又我朝舊例，行軍必派王公前將貝子允禩派往駐紮西寧，此不過為邊疆起見，而允禩怠慢，不肯起程，奏云：俟過百日，又云：俟陵寢回來，屢次推諉，誠屬何心！且允禩太監何玉柱，而使有家資數十萬，伊府管領用一漢給事中秦道然，豈非欲效內廷太監以財利而邀外廷漢人之稱譽乎？如此作為，朕並未革其貝子所德治者，特一二奸惡太監耳，而遽為朕凌逼弟輩，揚言無忌。



悖亂極矣。爾等諸臣理宜感發天良，翼贊朕躬，乃為職分。如不思

皇考六十餘年放養深恩，不感戴朕保全寬宥之意，妄生事端，干犯法紀。朕斷不寬宥。總管內務府事莊親王允祿等言：順貞門為內庭禁近之地，請將旗下護軍更換。今內府護軍等看守，並于內府三旗內，每旗補放統

領一員，定為三品，從之。命在京師院衙門復行三年考察例。副將軍阿喇納奏：羅卜腦兒為人古班，爾等率領哈喇庫爾薩達克圖、哈喇和韶三處戶口一千餘人投誠。三月，命撤回駐藏官兵。年羹堯言：打箭爐之外，中渡河口係通西藏要隘，請將守備移駐保縣。在大河之南，為土番出入隘口，請撥千

總移駐建昌所屬越雋衛地方寥闊請改設  
遊擊彈壓從之 四月命怡親王總理戶部  
事務諭侍讀學士田文鏡致祭華岳回朕詢  
彼經過地方情形與百姓生理據奏山西平  
定州壽陽縣徐溝縣祁縣等處雨澤歉少民生  
計維艱至汾州府屬兩未沾足地方現在征比  
錢糧夫巡撫以撫綏地方為職今平定等處

沾足恐倒

飢饉並未奏請賑濟緩征反行催科小民何  
以存濟此皆伊等去年曾奏得雨今欲掩飾  
前言甚屬不合即命田文鏡會同巡撫德音  
速行賑濟務使得所 封十七阿哥允禮為  
多羅果郡王 五月直隸巡撫李維鈞奏直  
隸從前虧空計州縣歲之所餘積累填補二  
年督令清理奉

上諭州縣官令少從容不慮窘乏方可責其  
盡心撫字少有餘資亦有自為地方興利之舉  
何可勒令為他人補苴虧缺耶 又諭翰林  
院凡部院衙門俱設司官專管定稿說堂  
筆帖式專管繕譯廳官專管收發文書翰林  
院衙門亦有錢糧出入陛還議叙並各衙門  
文移往來事務煩瑣關係匪輕乃俱出自筆  
帖典簿廳之手豈得保無弊端嗣後於俸淺  
編修檢討內擇才守優長者滿漢各二員充作  
司官專主定稿說堂庶小吏不得作弊而衙  
門清肅所委充司官之編修果實心任事  
辦理公敏學院學士擬定奏聞加以殊恩  
湖廣總督楊宗仁摺荐廣東南海縣知縣宗  
璋陞補湖南寶慶府知府廣州守備范宗克

改補湖北漢陽縣知縣。上諭隔省題官寔屬越例。假若別省賢員。彼督撫不行荐擢者。倘將情節。稟明密奏。則可。今因初次。姑從爾請。諭此番係特恩。加科士子。有因迴避。不曾應試者。殊屬可憫。即令冰出。檢閱落卷。大臣擬題奏請。於內閣考試。尋取四卷。并落卷中之前二名。俱取中為舉人。二十二庚子。

仁壽皇太后不豫。辛丑崩於永和宮。諭總理王大臣等。日子允禩。原屬無知狂悖。氣傲心高。朕惟欲慰

皇妣皇太后之心。着進封為郡王。伊若從此改悔。朕自疊沛恩澤。若怙終不悛。則國法具在。允禩來時。將此旨傳諭知之。六月加封孔子先世五代俱為王爵。七月雲南撫楊

名時奏巡撫衙門規禮共有五萬餘兩准留若干其餘盡充公用奉旨督撫羨餘豈可限以科則惟視秉心何如耳取所當取而不傷乎應用所當用而不涉于濫固不可駁削以困民亦不必矯激以沽譽若一切公用犒賞之需至於拮据窘乏殊失封疆之體非朕意也必使兵民溫飽官弁豐足督撫司道亦皆

饒裕乃朕所願是在爾等揆情度理而行之其是與否難逃朕之鑒照也 年羹堯請于布隆吉爾建城駐兵從之 八月丙廣總督楊琳專管廣東總督事務陞廣西巡撫孔毓珣為廣西總督仍管巡撫事 大學士等言江南山東所產麥穀皆兩枝裝穗蜀黍一輪四穗內地蓮房同莖分蒂諸瑞疊呈實皆

皇上盛德之所感召請宣付史館下部後之  
福撫黃國材請嚴禁服色僭越奉旨奢僭  
之弊朕亦稔知但陋習因循一旦遽然禁止  
若非立法嚴峻有犯無宥不能使之永遠遵  
奉揆之於理移風易俗宜漸不宜驟究以後  
容不迫為貴爾等姑且徐々勸導倘仍不改  
革然後嚴為宣制以法繩之耳

上御乾清西寢閣召王大員及文武諸臣入  
諭曰朕自即位以來念

聖祖付託之重安可怠忽不為長久之慮當  
日

聖祖因二阿哥之事身心憂悴不可殫述今  
朕諸子尚幼建儲一事必須詳慎此事雖不  
可舉行然不得不預為之計今朕特將此事

要之不免不心天  
光明何不早宣儲  
貳而作此乖僻邪

親寫密封藏於匣內置之乾清宮正中

世祖章皇帝御書正大光明匾額之後乃宮  
中最高之處以備不虞諸王大臣咸宜知之

總理王大臣等遵旨議奏羅卜藏丹津久  
懷異志糾眾盟誓

皇上念伊祖願定汗恭謹効順不即加罪特  
遣侍郎常壽諭以利害前往和解羅卜藏丹

津並不聽常壽之言欲與戴青和碩齊察罕  
丹津交戰又與望汗蹏又私稱為達賴混台  
吉殊屬背逆現今伊欲往察罕丹津處爭戰  
應調西寧之兵俟羅卜藏丹津渡黃河時於渡  
中邀截其後至松潘兵丁請令提督岳鍾琪  
帶領前往就近應援其西路軍務應行文年  
羹堯詳加定議辦理從之常壽奏親王戴

青和碩齊察罕丹津領兵與羅卜藏丹津相持勢難抵敵率妻子屬人來至河州老鴉關外臣即令其進邊居住報聞九月諭順天府尹鄉飲酒禮敬老尊賢之古制近因年久視為具文筵宴亦多艸率爾衙門應加謹舉行戶部議直撫李維鈞請將丁銀攤入田糧之內應於雍正二年為始造冊徵收除

戶部以下另段

浙江紹興府惰民丐籍十月年羹堯奏青海羅卜藏丹津猖狂臣領兵自甘肅起程十月初間至西寧旨以年羹堯為撫遠大將軍江西撫裴率度奏擒獲寧州銅鼓營奸細請嚴加搜捕得旨此等匪類固不容姑息亦不宜急迫若涉因循恐漸致滋蔓若不辦姦良久恐驚衆激成事端但須整理營伍百姓



畏威懷德此一二匪類何難消弭全在大吏相機而行實心任事也 年美堯奏臣巴合义木多總兵周瑛截羅卜藏丹津往藏之路但恐其遁穆魯烏蘇等處請令富寧安調都統穆森往吐魯番駐防調吐魯番副將軍阿喇衲帶兵二千由噶斯一路截殺報聞 年美堯奏十月厄魯特二千番賊一千圍我鎮海堡都統武格恭將宗可進等大敗之殺傷六百餘人擒叛逆囊素阿吐丹津 又奏羅卜藏兵四五千次入西寧之南川口遂圍中堡守備馬有仁恭將宗可進遊擊元繼尹等擊走之 又奏賊二千餘據北川新城守將馬成輔及恭將王嵩宗可進敗走之又荏浪番人助賊臣調兵攻破最險之碁子石茨

爾清二處斬獲甚衆擒厄爾布及謝爾蘇賊  
首正法奉旨嘉獎 又奏招撫西寧下北塔  
三十村庄回因及剿上北塔賊衆擒其頭目  
正法 又奏厄魯特賊衆劫奪我新城堡等  
處殺我守備李國強外委馮光永肆行擄掠  
臣調總兵黃喜林等往勦殺傷奇嘉寺逆賊  
五百餘喇嘛番子一千餘擒頭目七名器械  
牲畜無算 部議廣西督孔毓珣言粵西地  
方邊遠商本無多以致誤課誤鹽民憂淡食  
請動藩庫銀六萬兩令鹽道委員辦理官運  
官銷行之三年可以酌減鹽價從之 十二  
月年羹堯奏恭將孫繼宗遊擊孫超卽副將  
潘之善敗賊於布隆吉爾 革允祠履郡王  
在固山貝子上行走以封後並不感激効力

也。浙閩督滿寶奏西洋在各省起天主堂  
行教人心漸被煽惑請將各省西洋人除送  
京効力外餘俱安插澳門天主堂改為公所  
誤入其教者嚴行禁飭從之。  
立嫡妃那拉氏為  
皇后。

康熙諸王

皇長子允禔多羅直郡王 廢太子允礽理密親王 皇三  
子允祉和碩誠親王 皇五子允祺恒親王 皇六子允  
[ ] 皇七子允祐和碩淳親王 皇八子允禩庶親王 皇  
九子允禔 皇十子允禔多羅敦郡王 皇十一子允  
[ ] 皇十二子允禔 皇十三子允祥怡賢親王 皇十  
四子允禔 皇十五子允禔愉郡王 皇十六子允

祿<sup>王</sup>親 皇十七子允禮 皇十八子允禛 皇十九

九子允禛 皇二十子允禔 皇二十一子

允禧 固山貝子 皇二十二子允祐 峒

貝子 皇二十三子允祚 鎮國公



東華錄卷之十二

文化茂辰

